



常山文集

十五十六

和文一

和6
1736
9



常山文集卷之十五

權中納言從三位源朝臣綱條輯

詩


四言

題畫梅

玉色明道。心易堯夫。依然馨德。花中之儒。

偶作二首

事君以忠。報親以孝。撫民以仁。愛子以教。



無爲而化。自然而成。善矣至矣。惟德惟明。

脊令

原_二有脊令。載飛載鳴。慨然歎息。吁奈弟兄。

賀卜幽叟古稀壽算

疊疊野父。學邃業昌。淵源伊洛。吐納左莊。一朝講經。千里擔囊。教訓解頤。文字撐腸。當時模範。與古頡頏。稱老致仕。杖國養庠。容貌未衰。矍鑠誰當。暮春之仲。誕辰惟良。申禮申賀。如陵如岡。海屋添籌。庚星垂光。松柏後凋。龜

鶴呈祥。聊酌春酒。于舉壽觴。

綠岡 箕川村別莊

綠之岡兮。于占山莊。松柏茂矣。平音瑋兮。岡之綠兮。松柏沃兮。優之游之。樂也足兮。歲寒而后。松獨秀兮。君子居之。何陋之有。

綠岡十境
有君子林

綠岡三章章四句

六言

題畫山水

咫尺遙望萬里。瀟湘外洞庭前。高山兀帶湖
水。遠樹森籠暮煙。

有矮人雨者。常在側。時歌舞。感興漫筆。
物有小大之異。共是稟彼天真。不獨道列。民
耳。勿漫納貢勞人。

哭醫士野間三竹女殤

暴風卷帆迷埃。可惜摧宜室材。千歲遺居易
恨。一朝失謝家才。休言緩急無益。其奈椿萱
至哀。薤露何時得。曠招魂。更不歸來。

遊石岡偶作

次宿磯原草舍。遊觀處處停車。探秋緩攜藜
杖。迎節纔開菊花。翠嶺遙橫翠黛。紅楓映晒
紅霞。流無息潭無底。石可數魚可叉。風自北
嘶野馬。日沈西噪林鴉。莫耽樂忘民苦。夫務
農婦績麻。

和安積覺野遊即興三首

霜林缺漏斜照。楓葉紅天亦紅。浩浩然遊世
外。悠悠爾樂山中。

三四稀飛喜鵲。百千囂惡啼鴉。把茅好蔽風
雨也。足如何宅家。

植杖逍遙勝樂。釜中淪趙州茶。攜樽緩步增
井。盃上浮彭澤花。

小島楓葉

任筇到一小舍。遶舍楓葉飽霜。仙人鍊丹鉛
藥。青女逞臙脂妝。吹起火燒林上寸斷。錦曬
夕陽。夜易明天難暮。紅繼晷短日長。

丁丑五月。弟賴雄卒于江戸第。曾歸佛。

故賴道揮金布施。修佛事於淨鑑教
院。六月朔參神位。點茶上香。

哀哉抱孔懷。愁對牌燒香。薦饑爵祿。惟原上
露。死生亦海中漚。昔同居共長枕。今託體依
一丘。魂若知予告。爾月西流水東流。

遊正宗寺。賦山寺歲暮。得亦字。

風寒不忍冬迫。山寺寂希行客。烏兔頻爭走
過歲。莫矣我歲亦。

古寺看梅

春暗動古寺梅瓊姿清不受埃月欲補貝多
缺影牕寫小字來

杜若

我邦誤紫羅藍將杜若誰名之一名自入八橋
詠詠亦奇花亦奇

那珂川舟中

攜友乘一葉舟四顧遙放遠眸棹擘天逆潢
漢網獲魚曬河洲酌景飲醉佳興扣舷既恣
勝遊歡樂須隨處樂雲自飛水自流

雜體

酌垂絲櫻下每句用韻

招友後園快晚晴辰良景美四難并步履躑
躅更弄櫻細縷阿那不堪鶯花似海棠映日
清枝如柳條隨風輕垂絲撩亂太有情佩玉
鏗鏘聞無聲羅笠檐下舉舡觥錦繡席上命
管城遊春共結詩酒盟相約多年寄吾生

櫻花一三五七九言

春晨白櫻發玉雲勻燕雀剪雪去蜂蝶逐香

臻。枝頭露重，楊妃浴。芳姿煙籠，西子鬢。書窗
風靜，萋萋愛日，永畫簾花飛悠悠，樂天真。

梅 二四六八十言

梅發花濃，清砒孤竹，德玉馬公，踈影橫西湖。
月暗香動，東閣風復，請揚州，任彼何遜，徒圓
羅浮。夢是師雄，春日長日長，長勸醉日易暮。逸
興飛興飛，無詩興亦空。

開爐 三五七言

地爐開。暖氣催。文武云吹火。陰何復撥灰。克

已工夫纔點雪。紅麟燒處鑄顏回。

和吉元常綠岡卽興韻

松鬱鬱。竹森森。前港千波水。後聳雙尖岑。易
容膝。安志也足。來巢一枝鷓鴣林。

詠菊

愁節去。喜秋還。菊依存徑茂。枝好傲霜攀。隱
逸花宜予。隱逸南山今却屬西山。

九月十三夜

終日雨。到酉晴。雲收無點翳。月出有餘清。此

興一年纔兩度。人生幾許勿傷情。

再用前韻和安積覺

秋之暮。天乍暗。露灑金波冷。月明玉宇清。而今又是繼華會。憶得寬平千歲情。

周蘭禪德遊學京師而歸途過武之僑

居茗談信宿。匆匆分袂臨行。驢三五

七言

別悠久。逢須臾。垂青話舊事。又何歌驪駒。歸山老師若相問。前度紅楓今一無。

田舍即興

乘興步杖藜。來靜依竹窻。下遙望櫻雲堆。雲間珠出嫦娥鏡。座上飽傾鸚鵡盃。

重陽雨 九言

此地幸喜遇重陽。佳節古人所謂風雨秋滿城。晨把菊花輕泛桑落酒。釀屈子來兮斟酌淵明。

重陽日。酒泉弘訪予。西山草廬既邁心。降握手寒暖。相與優游。詩彼酒此官。

事無監。速_ニ推_ニ驪_一駒。仲冬初五。臨_レ別_ニ追
餞。聊賦_ニ九_一言。以代_ニ陽關_一三疊。

邂逅相視垂青兩。懽然談笑未盡。匆匆促別
筵。山圍水流共賞。樂仁智。雨夜月夕對酌。試
聖賢。勿_レ讓_ニ雁行_一常陽雲霞境。自此寬望_ス江東
日暮天。子歸告_ニ史臣_一成功何歲。歲不_レ待_レ人_ヲ我
去_ス薦_ニ墓_一前。

春初試筆

五平五仄體
元祿三年庚午

一夜盡改舊。三元皆呈新。燕燕點柳眼。鶯鶯

搖梅脣。睨_レ晚喚起我。醪醪微醺人。不_レ謂老既
迫。年年歡迎_ニ春_一。

秋盡

分_ニ艸_一木黃落兮雁南歸
句_ヲ得_ニ木_一字每_ニ句_一押_ニ仄_一字

鳥兔過_レ眼速。三陽從_レ今伏。徑_ハ荒傲籬菊。霜後
高_レ節竹。忍_テ寒抱_ニ幽獨_一鄰。冬_ニ驅_ニ滕六_一葉落_テ山頭
秃。栖_レ鳥何_ヲ擇_ニ木_一。

送_ニ今井順齋_一 句_ヲ仄_一 句_ヲ平_一 體

我_モ亦_モ逆_ニ旅客_一送_ニ客_一離_ニ筵_一風吹_テ秋心悲。要_レ見_ニ武
野廣_一莫_レ雪。相期_ス初冬輕寒時。

送村顧言之江府

欲見武野草際月何違常陽花前春會面曷日不可識猶期秋風吳江蓴

醫師松村伯胤作無用偈以揭軒余見

之戲效其意云三句押同字

樗櫟大無棟梁用毛錐銳無鎗劍用無用無用亦奚為不若用無用之用

分安積覺夢得野水月縱橫五字闡得

月字

開襟光風吟霽月朝醉夕醉江泌月雲收月明衆星稀仰看文苑一輪月

偶作二首

熟懷往事唯如夢人世夢中又夢夢夢醒圓夢夢幻身也是邯鄲枕上夢若是云至人無夢周公何入孔丘夢流轉醉生夢死中不知物化胡蝶夢

和答釋朴巖并引

果泰寺朴巖和尚過余山莊攜清茗壹筐

連珠三章見贈。啜茶嚼詩。口生甘美。將贅芳韻。恐玳珠雜玉。請和尚琢磨而視焉。自吹活火。手親煎。折脚鑪中雪乳。鮮茗話爐。談情莫逆。座闌共味趙州禪。座闌共味趙州禪。僧成底事。行餘時。漱沁詩泉。行餘時。漱沁詩泉。求句苦吟曾不眠。今日汲來曹洞水。自吹活火手親煎。

秋興 人名體

心亦昭明秋仲月。安仁味道學窻前。雁鴻漸陸聲清亮。出塞向陽能樂天。

湖上春望 漁父詞

波逆煙雲日夜浮。風温湖上縱吟眸。光灑灑興悠悠。春酒傾來忘旅愁。

越調一闋送村顧言之江府

別恨千千萬萬悲。柳絲何不繫征衣。鴻雁至。稻梁肥。低度秋風勿負期。

春日書懷 建除體。用五行字。

木德舉仁風。吹萬皆熙熙。火食清明日。猶懷
介子推。牛牛送寒去。處處雨一犁。金甲小兒
拳。采薇味伯夷。水邊籬落梅。鄰笛復動詩。

丁酉試筆

離合體
明曆三年

打聽霜鐘先報曉。手龜懶試管城公。酒牽陽
氣春頻至。水逐暖風冰始融。

送鵜飼千之多湖直歸江府

離合體

鵲巢哈我拙。鳥會共為群。愷悌巖栖士。豈蒙
紫陌塵。男子家四海。十方皆弟昆。剛節歲寒

色。岡上松孤存。

十二月九日雪

扇對

臘底黃雲密。鵝毛逐吹輕。窻寒燈影暗。別得
讀書明。夜靜塵談熟。忽聞折竹聲。蒼髯松白
髮。感物痛予情。

冬日後樂園即興

雜言

後樂園後樂園。隨時已不棄。四時所所設。席
休樹下。攜樽提榼。舉玉卮。登山靈運屐。涉園
淵明辭。注酒煖林間。乘興棹方池。楓葉謝秋

山更冷。松栢經霜色不衰。板橋橫卧龍。巉巖
欹蹲獅。烏鴉日浴。不去汚。振振鷺鷥。涅不緇。
淤泥育蓮藕。腐朽生靈芝。外物因習物。皆然
上。智下愚。曾不移。

我今年致仕歸故鄉。仲冬二十九日。夙

發江戶之邸。臨別賦詩。遺男九成。文

不加點。信口漫道

元祿庚午冬。遁跡東海濱。致仕解印綬。縱作
葛夫民。盤旋廣莫野。一洗榮辱塵。昔涎首陽

薇。今羹吳江蓴。三十有年來。夙志於焉伸。予

去又何處。不知再會辰。嗚呼汝欽哉。治國必

依仁。禍始自閨門。慎勿亂五倫。朋友盡禮儀。

且暮慮忠純。古謂君雖以不君。臣不可不臣。

已卯九月念一日。過摩訶衍庵。黑白相

攜。採松菰。晡時歸庵。熟談移晷。壁上

有元政上人真跡。各次其韻。寡人行

他字賦古詩二十二句云

昨苦霖。暗報今。緩步山徑。命藤杖。行帶夕陽。

扣叢林。緇素三五度峯嶺。共採松菰。憇松陰。
 敬耳。忽有澎湃而來者。我云風有音乎。松有
 音。歸來就蒲牀。座間屢醉沈。壁上有題詩。一
 篇手澤。卽是政公秋夜寓懷吟。退視蚓蛇入
 艸走。拜讀鬼神聞警歎。醍醐不堪味。高韻欲
 交侵。只愧貂續狗尾。可笑雞伴仙會。縱懷芸
 窻下。放眼楓崖岑。君看青葉經。霜變紅葉。頰
 悟俗心練了。卽佛心。

秋懷

晴亦好。雨亦奇。桂子翻真如月。荷葉敗無熟
 池。看了蒲柳質。覺這筋力衰。牕暗務觀七年
 恨。燈青宋玉千歲悲。聞雁漫吟蘇李五言詩。
 五言詩我亦信口。縱志所之。

禽言

黃鳥

法兮法華經。法兮法華經。鶯兒兮。緜蠻。佛音
 兮叮嚀。柳絲拋機杼。花上懸金鈴。奈何。近馴
 書牕下。人來人來不堪聽。

雀

注酒注酒。嘖嘖穿牖。我有佳賓。室有巧婦。賀
大厦成。與燕好友。營巢檐瓦。覓食田畝。聚樹
躍庭。近馴情厚。鷹鷂不到。不設羅網。依人長得
天然壽。

剖葦

傀儡子。傀儡子。胡為呼傀儡子。無木人歌舞
態。形小與蒿雀比。葦萌來兮葦枯去。頡之頡
之。刷絲綺。常藏葦中。食葦蠹。剖葦之名始于

此君看富貴。奢榮華。夢死炊梁裏。不若偃郭
運妙巧。以飾一時喜。

佛法僧

佛法僧佛法僧。更無名可以稱。始詠於空海
詩。古來騷人未曾聞。鳥聲須頻悟。三寶盡歸
一乘。

郭公


勸揚升菴佛
現鳥詩體

郭公郭公。倦飛啼木。飢食蟲生子。託他巢布
穀。劬惰農。何混其名。誤杜鵑。郭公郭公

常山文集卷之十五終

常山文集卷之十六

權中納言從三位源朝臣綱條輯



詩餘

長相思 春遊

日遲遲。柳離離。風擲鶯梭。縹翠絲。春光野趣
奇。○催詩思。摘吟髭。月射稜稜瘦鶴姿。上窻
寫伯夷。

菩薩蠻 并引

昔月坡禪師駐錫常陽天德寺。予結方外交。十六年於茲。或入白蓮社。聞法。或饗伊蒲膳。味禪。暫得半日閒。不知俗塵侵。是歲暮春。將命駕浮盃歸故鄉。臨餞筵。惜別。作菩薩蠻雙調。代陽關曲云。

西來灑法東漸水。一朝飛錫歸鄉里。別恨作麼生。不堪無限情。○匆匆何處去。莫奈辭之遽。分袂涕霑胸。相期摩頂松。

搗練子

花前設燕

寒食節。養花天。何事枝頭火欲然。麗日風温冰霰走。醉人衣錦舞瓊筵。

采桑子 白牡丹

一叢白玉春餘盛。金蕊瓊房。魏紫姚黃。失色須南面。素王。○朝來處處看花客。競走如狂。偏愛天香。不顧柔麻及稻粱。

鵲橋仙 七夕

累累瓜果。芬芬香粉。乞巧棚明星酒。年年更

不負佳期也。永矢天長地久。○隔河牛女。填
橋烏鵲。何比人間合偶。只憂耕織失其時。天
帝責惰農慵婦。

憶漢月 中秋月

今夜惟中秋節。一鏡挂明林樾。鵲飛牛喘。列
星稀引杖步無蹤。雪○幽居幽賞處。天漢淨
風收塵絕。掃除盡富貴浮雲。高卧彼西山月。
逝者如斯。不舍流曝。曝眸百里一望秋。淺則揭

山花子 觀調 鷓鴣 捕魚

深則厲。水悠悠。○驚影金鱗浮。又沒隨人鳥
鬼泳之游。漁獵忘歸。縱樂只亦何求。

秋波媚 羈中重陽

客舍重陽轉。添悲寂寞。故人稀。白衣已至。金
樽云倒。秋屬東籬。○登高巖上昔遊。此再遇
菊花時。緬懷往事。電光石火。物換星移。

陽春曲 三調 又名喜春來 元祿五年壬申試筆

其一

日陽漸轉黃鶯子。風暖初飛粉蝶兒。少年春

去復無來。甘蔗滓。人世幾回時。

涅槃經曰。譬如甘蔗既被壓已。滓無復味。壯年盛色。亦復如是。

其二

梅窗日暖橫斜影。鶯晷風微斷續聲。春來無物可當情。常惺惺。吾克養吾生。

其三

曉窗風冷呵龜手。寒谷春回潤鳥喉。煙霞痼疾靡夷瘳。樽有酒。屢酌掃詩愁。菩薩蠻雙調。壹闕。賀明心越禪師住常

陸岱宗山

當時久泣荆人璞。如今喜遇成王琢。拯溺百川東。靡然艸上風。○岱宗青未了。雲破矇而瞭。這箇萬年藤。永挑無盡燈。

望遠行雙調一闕。送井上玄桐安積覺

歸江府

既喜楚然扣草堂。瞬息度炎涼。御風臨水暑相忘。乘月幾揚觴。○分袂去。盡情離。恨千千。復東西。雪降梅發與誰為。有意須催早歸來。

老，大我頻迫。再會更難期。

摘得新 殘菊

拈一枝。秋容猶未衰。白衣今也去。倒殘卮。南山眼。是西來意。屬東籬。

迎春樂

元祿六年
癸酉元日

銷磨歲月如飛走。亦是四時之首。窻明起。予鶯兒友。喜暫作煙霞主。叶韻當。黃勻彼陶彭澤。柳青歸此周濂溪。叶韻此。幽僻無罌塵。犯一醉三盃酒。

荷葉盃

第一體題 正宗寺白蓮

方外結交蓮社。潛也共忘形。出於泥不染泥。滓君子德惟馨。

閨中好

山中好。塵世更無干。四面銀濤般。醉眠居枕安。

又和森尚謙韻

山中好。曾羨聖之清。我樂西山樂。如何無限情。

又和鈴木玄知韻

山中好。塵外卧幽香。得意紗窗下。攤書忘日長。

字字雙

重重累累岑復岑。綠遶西山深。復深時時舉。白斟復斟。陶陶擊節吟復吟。

荷葉盃 第二一體 單調

香益淨亭亭植。如拭湛露瀉瓊華。瑤池風度玉簪斜。花麼花花麼花。

如夢令 悼亡弟無外居士

昨日悲生分手。今歲忽為烏有。弟捨我何之。骨肉雖原頭朽。知否知否。魂若知享牲酒。

醉紅妝 題正宗寺紅楓 用洪武正韻

景遊徐步扣禪扉。靜燒葉共倒危。霞蒸霜醉紺園緋。碎蜀錦點燕肢。○仰看白塔映紅奇。夕陽照襲朱衣。欲識本來無一物。滿山樹雪花飛。

韓詩云。川原遠近蒸紅霞。圓通是古一佛傳云。道濟臨終云。吾塔以青色為之。侘。

日塔紅紅即吾再來及是至之夕塔為之
紅自得云看看本來無一物滿山雲樹
紅雪花

燕彰考館賦醉花陰一闋似諸生

花有文章多艷麗。史酌醉嚙。勿謂有來年。
離蒂花萎人况無根蒂。日長不得長繩繫。
過客何凝滯。歸雁太憎生。違侶負春爾獨其
高遶

山花子 賞彰考館櫻花

彰考芳櫻抱石披。錦心繡口吐英姿。總富良

辰美景尚如飢。白雪一朝停旅客。香風千
里隔雲兒。花也歸根春也去。我今噫

法眼與山立。庵醫伯相攸。江左海岸構
樓揭以皎兮二字。暇則牽友酌酒。翫
月觀潮。予聞為作西江月雙調一闋
以助欸乃之餘音。

碧浪遙涵戶牖。金波蕩射簷楹。仰看搗藥兔
長生。俯伴影娥池影。白了庾樓潘室。皎兮
地緯天經。物皆鮮瑩。矧人靈視聽什麼不醒

鵲橋仙 七夕

二星隔位。七襄整駕。月別燈。雲蔭幄。穿針設
果亦奚為。不若彼咸。視隆腹。○愁霖日久。荒
年民餓。什麼蒙無罪戮。天孫若也有靈兮。願
乞為荐。飢雨穀。

遐方怨 單調詠雁送別

辭湖漢。度秋旻。鴻雁來賓。天東高飛。湘左濱。
斗南遙隔。筑波雲。明年如有意。莫過春。
一品親王。近臣朝散大夫。圭齋藤兄者。

多年舊識也。今茲仲秋二日。過我山
圍谷深。人跡殆稀。況距武城二百有
餘里。不意忝蒙遠顧。垂青話心。揚盃
抵掌。歡樂未央。遽爾告別。欲開東閣
以投轄。無奈公務之逼。何悵悵焉。情
滋戚矣。於是挈榼提壺。追而送之。久
慈川之滸。屈駕開宴。更酌交歡。夕陽
西傾。驪駒在路。醉中判袂。北南分背。
袞塵遮眼。行人漸遠。因作詩餘二闋。

以代陽關三疊

接賢賓詞

世緣遼隔若參辰。人稀絕囂塵。都騎物色。駝
 矣倒屣迎門。○偶然萍水相逢處。話心懇淡
 交親。一喜一愁情緒亂。復望渭樹江雲。巨卿
 盟。元伯。膳。調和薦嘉賓。

都騎。美騎也。詩綿篇。混夷駝矣。註駝。突
 也。字。書。卒。相。見。謂。之。突。後。漢。范。巨。卿。與
 張。元。伯。友。各。歸。鄉。里。巨。卿。謂。元。伯。曰。後
 二。年。當。過。至。期。元。伯。設。膳。候。之。至。日。巨
 卿。果。到。升。堂。盡。歡。而。別。

望江南詞

千萬樂。朋自遠方來。空谷足音添我喜。閉窗
 笑口為君開。已耐棗分梨。○千萬恨。銷了黯
 然魂。今日偶為常陸客。明朝也是武江人。翹
 跂馬蹄塵。

遊仙窟。相知不在棗。又不忍。即
 分梨。註棗借聲為早。梨為離。

南柯子

單調題雪

翠岸蹲鹽虎。蒼溟駭玉龍。登高樓。放眼天東。
 疑大鵬。翱翔素毳翻空。

迎春樂

元祿十二年
巳卯元旦

市朝競賀三元始。山深更無人抵。抵來者只
春而已。從是喜添長晷。○人皆畫神茶鬱壘。
予夙被黃鶯呼起。卯飲啜梅花了。醉隱烏皮
几。

巫山一段雲

題長勝寺遺愛亭

亭是雖依舊。人非而則亡。海潮來咽海雲狂。
草木亦悲傷。○風落暗星斗。月寒照屋梁。昔
時遺愛不能忘。寐寤見羹牆。

一剪梅

者樂亭下，即興

者樂亭邊紉繫舟。身在輕舟。心若虛舟。海雲
風靜。思悠悠。天亦悠悠。水亦悠悠。○醉了眠
醒。拭却眸。恣放遙眸。近入詩眸。微吟緩步。却
登樓。月轉南樓。日沒西樓。

常山文集卷之十六終

